

AR BROTESTANTET ENN HON BRO

WAR EUNN TON DANSAL

Protestantet bastard, divez ha didrue,
 Kollet gant-he ho fe, nac'het lezen Doue,
 A zeu da Lannuon gant kanaouenno fall.
 Er bourko, er c'herrio, ho lezer da grial.

Gret ho devez euz zon enep hon beleien,
 Pere a zo karet hag a vo da viken,
 Balamour n'hallont ket labourat vit netra.
 Allaz ! vel ann dud all, renkont dibri bara.

Ugent vloaz ver er skol, rog bean beleg mad,
 Hag arabad vo c'hoaz gonid boued ha dillad ? ...
 Ar ministr protestant neuz groeg ha bugale,
 A labour vit netra, hag a zastum leve.

War he lerc'h vo kavet douar, aour hag arc'hant.
 Penaved hon ine, kalz vije protestant ;
 N'en deuz mann da ober, ha paeet mad ec'h e,
 Da govez ann dud klanv, sav ket euz he wele.

Ar beleg katolik zo er govision,
 O kovez, o kelen, rei konsolasion,
 A zikour ann intanvez gant kalz a vugale.
 A ro ann aluzen da noz ha da veure.

Bleizi zo enn hon zouez, war-n-he kroc'hen denved.
 Ar re wellan ann-he a dra-zur zo *bouc'het*.
 Pa ver hep konsianz, c'heller ober pep tra,
 Ha zodi koz groac'het, wit-he gwerza, prena.

Unan ann-he c'hrouie gand neud guen he vrago,
 Vid na vije, gwechal, gwelet he lieno ;
 Mar zeo breman pinvik, mar neuz kalz a leve,
 Dlefe lezel e peuc'h zervijerien Doue.

N'euz ket *unan dre vil* diout-he er vro-man,
Na fulen na greskont, kaër ho devezu kanan.
Ma vije c'hoaz hennez protestant dre natur,
Ze vije mad, evel... koc'h ki euz poac'hadur !

E traou he zon lennet, ha c'houi gavo *Tao*.
Mar goc'h eunn tamm begek, e trofet ann hano ;
Ha mar zeo mad ho fri, hastet redek ar c'had,
Vit gallout he zapout, rog ma ielo er *C'hoat*.

Breman pa m'euz laret d'hec'h ar pez a zonzan,
Roïn d'hec'h eunn ali, unan ar re wellan.
Tre Doue ha Satan, a zo brezel hirie ;
M'hoc'h euz c'hoant da c'honit, deut da goste Doue.

Gwelet a ran bemde he zorn holl-gallouduz
O skei, a zeo-a glei, o rei tollio spontuz.
Skei ra a zeo-a glei, ha diswinta potret,
Grede ho doa affer euz eunn Doue kousket.

Me lar d'ar protestant : « M'hoc'h euz relijion,
» Distroet, mar keret, d'ann kini zo gwirion ;
» Ann dud vraz a *Vro zaoz*, a zeu a vandenno,
» D'ar gwir relijion a gondou d'ann Envo.

» N'hallan ket laret vad euz ho relijion ;
» Drogfenn ket ma hini, vid kat eur million.
» Pidi a ran Doue, da noz ha da veure,
» Ma teuio d'am harpa evid difen ma fe.

» Rag fe ho tado koz eo ma hini ive,
» A zo mad da vevan ha da vervel goude.
» Eunn de, c'houi a greno dirag komz ar *Barner*,
» Ha me drido joauz, me paour kez *masoner*.

» Penaved m'ho karan, na larjenn d'hec'h netra.
» True am euz ouz-hoc'h, c'hoant am euz da wela.
» Troet hoc'h, ma mignon, diwar al linen vad.
» Mar teurveet distrei, n'hoc'h ket re diwead. »

EUR C'HOZ VASONER.